

7. Sianthona leh Pasian Meikuang tawh Sukkhakna

- a) Laisiangtho bulphuhte: 1Pet. 1:15-16 2Thes. 2:13 Lev. 11:44-45
 Eph. 1:4 Matt 3:11-12 2Cor. 3:7-18
 1Thess. 4:3-8 2Cor. 7: 1 (AV) Heb. 12:28-29
 Luk. 12:49

b) Pasian siangtho hi

Hih pen amasa pen in Pasian ahi eite hong tenden Khasiangtho in hong pulak a, (John 14:15-17). a nihna ah, Laisiangtho in hong pulak hi (Ex. 3:5; Lev. 20:26; Isa. 6:3; 1Pet. 1:16; Rev. 4:8). A taktak in bel Pasian hihna dangte khatpeuh, itna zong a kihel in, sangin Laisiangtho in Pasian sianthona hong tam gen zaw pek hi.

"Sianthona" cih pen 'a dang hihna' cih na hi. Hih pen a kicinglo, a min aih keh a siangtho lo na khempeuh pan kikhenkhia hi. Pasian siangtho hi. A taktak in amah kicing, siangtho, gen banglo, hoih cih tak hoih in phat ding leh pahtawi dingin kilawm hi. Pasian pen zahtakna leh lipkhapna tawh i muh ding kisam hi. A siangthopa amah leh amah hong kipulak teh i muh theih pen minthanna hi (Ex. 24:16-17; John 1:14)

c) Pasian in a siangtho nuntakna tawh nungta dingin hong deih hi

Zeisu nungzuite i hih mahbang in leitung pan a kikhenkhia leh Pasian tungah a kipia sa bang a mite in hong muh theih nading vua i nuntak ding kilawm hi (Eph. 1:4; 1Pet. 1:15-16). Eite Pasian tate i hih manin, (Rom. 8:15). Pasian innkuanpihte hihang a, siangthona aa kipan innkuan om ziate i lahkhiat ding kisamhi (Heb. 12:10; 1Pet. 2:9). Pasian in eite siangthona dingin Zeisu hong piakna tawh amah leh amah hong kipia hi (Col 1:22; Eph. 1:4). Ahizong in eite in Zeisu kalsuan bangin kalsuan in (1John 2:6), Pasian thupiakte mang a, (Deu. 26:16-19). Dikna leh siangthona taktak ah Pasian tawh kibatna pianzia thak i silh ding mawh puak nei hihang (Eph. 4:24). Tua khit ciangin a tawntunga Pasian tawh nuntak theih nading a kingingkhoh a siangtho leibelte i hih nading in Pasian in hong bawl thei ding hi (Heb. 12:14; Rev. 21:27)

d) Siansuahna bang ahi hiam?

Hih pen 'siangthosak' cihna hi. Hih pen Pasian tungah kikhenkhia in a niin nate leh lampite pan kikhenkhiatna hi. Hih pen upna tawh Khazih sungah mite in Pasian tawh kizopna sungah a lutna uh ahi hi (Acts 26:18; 1Cor. 6:11). Hih pen gamtatna ah Khazih tawh kibat zawkna ding kalsuanna hi (1Pet. 1:15-16). Hih pen amah sutna ah kikhelna tawh Khazih sunga khantohna leh (2Cor. 3:18). i gamtatna ah Pasian tawh kipat zawk nading a khantohna hi (Eph. 5:1).

e) Eite hong siansuahna ah Pa, Tap leh Khasiangtho Pasian mimal thumte in semkhawm

- Pa Pasian (1Thess. 5:23-24; Jn. 17:17)
- Tapa Pasian (1Cor. 1:30; Eph. 5:26)
- Khasiangtho Pasian (2Thes. 2:13; Rom. 15:16; 1Cor. 6:11; 1Pet. 1:2)

f) Hong kisiansuahna koici pian

- Khazih Zeisu sungah (1Cor. 1:2).
- Zeisu ii siansuah nasep tawh (Jn. 17:19).
- Zeisu sisan tawh (Heb. 13:12).
- Zeisu upna tawh (Acts 26:18).
- Topa Zeisu in i lungtang hong hatsakna tawh (1Thess. 3:13).
- Zeisu Pumpi biakpiak kipiakna tawh (Heb. 10:10).
- Thuman thutak sungah (Pasian thu pen thuman thutak hi) (Jn. 17:17).
- Pasian tung leh thumanna tungah sal suahna tawh (Rom. 6:19,22).
- Khasiangtho tawh meisunga phumna tawh (Matt. 3:11-12).
- Sianthona sungah nuntakna ding hanciamna khempeuh tawh (Heb. 12:14).
- Pasian khalna tawh (Heb. 12:10).
- Topa kha tawh Topa minthanna etna tawh (2Cor. 3:18).

Ciapteh ding: Pasian minthanna i etteh ama hihna a kilangsak a siangtho Pasian mu hihang. Pasian minthanna etna in Pasian minthanna i lat khiatsak semsem theih nading in Pasian batna sungah eite hong kikhelsak hi. Hih thu a pianna a hang pen Pasian siangthona tawh tehkak in eite hihna taktak kimu thei hi. Tua in ei le ei kikhel nopna hong lunggulhsak hi. Tua ciangin Pasian tungah i kikhel ding a kispna munte i ap leh Pasian in hong huh ding hi. A banban in amah tawh kibatna ah kikhel to hihang. Sianthona kal pen Pasian minthanna tawh kipan hi (2Cor. 3:7-18; Isa. 6:1-8).

g) Pasian tawh ki maituahna

Pasian sianthona kilatna leh, mikhat ii tuahkhak thu leh nuntakna ah lunglutna a piangsak thei thu ah Isaiiah aa sanga, a khauh pai zaw teci panna om lo hi (Isa. 6:1-8). Hih Kamsang pa kammalte in eite tawm khat bek in i theih khak ngei vanglian lua ahihman in nuntakna khempeuh tawna suak khin vek hi. Hih pen Pasian meikuang tawh sukkhakna hi a, a kuang hauhau a vanglian bel Pasian minthanna nuai a sihna pan na suahtak lam na theihna hi. Hih thu ah thukna khat om ahihman in tuni in eite lungtang ciat ading i pom tek ding hi ngiat hi.

Pasian lunggulhna pen eite a numei pasal in hih thu piang tawng ah lutin amah ngiat telcianna hi a, eite tawm khat bek in tua ciang taktak tung ngei hihang. Hih sianthona, a thukna leh Pasian vangliatna thu piang pen a lungsim hong a, amah a zong thu um mite ading in kihong in om hi. Pasian lungtang dongah hong kipai pih ding kisam hihang. Eite in a lungtang a sianthona, a lungtanga a itna, a lungtanga om hazatna, mihingte neih hazatna hilo in, tunglam kha thu hazatna, siangthona, thumanna, diktatna leh itna tawh kisai Pasian itna hazatna, ama pianken ngeina innkiu suangpite i muh ding kisam hi. Ama tungtang kisai in theihna tawh eite lungtang zong ama aa tawh a kisai khop ding kisam hi. Lungtang neucik a nei numei pasal i hihna pan eite hong kihonkhia in ama lungtang cia, a golna leh a huhi diikna i thei ding kisam hi. Pasian bang a i theih tel ding kisam a, saltangte leh a mangthangte a it a vei bangzia i neih ding kisam hi.

h) A Kangtum thei Mei

Pasian mei i theih ding kisam hi (Heb. 12:29). Isaiiah in Pasian mei tuak kha a sidek tak hi. Pasian a muhna a mangmuhna sungah a mah kang hi. Hih pen kamsangpa a si dektak a a koih a kihtakhuai vangliatna sunga Pasian hihna taktak sunglam a tuah khakna thupi ahi hi. Hih in Isaiiah tung a nin leh na dangte kangtum mang hi. Pasian hehpihna tawh vantung mi in mei a buahna ahi hi. A hizong in tua sukkhakna tawh kicing khin hi. eite

zong a tawpna dong i tun lam i theih ding kism hi. Pasion heh pihna leh lainatna bek tawh a silo i hihna i phawk theih ding kism hi. A hai vai lua thu piangte pen eite bawltawm bek hi. Hih in thuneu suaksak in ei le ei kithupisakna piangsak hi. I ngaihsut kisapnate leh saltannate ading a nasep khat pan nasep dang khat i neih ding a kisapna a hang pen Pasion meikuang i sukkhak ngeiloh hang ahi hi. Pasion meikuang a sukha khin mite in a koltannate uh kangtum mang hi.

Tua pen kikhelna kician a kihel pen hi. A tuam vilvel ngeina thuciin pawl khat tawh Zeisu tungah i lungtang pia napi ama vangliatna leh a sianthona tawm bek thei cih bang ciang bek hilo hi. Hih pen nuntakna lui a na khempeuh tona tawh Pasion ompihna Meikuang tawh kattumna ahi Pasion sianthona muhna ahi hi. Tu ni a i pukna ahi mihing thupi ngaihsutna, buaina tawh kidim biaknate pan bangmah dangin hong honkhia zolo ding hi. Pasion lungtangah hong makaih dingin Khasiangtho hong pai hi. Tua mun suahna a pianna. I nuntakna lui in a uukna leh a vangliatnate a kipum khelsak Khasiangtho tungtawn in Zeisu sungah tua bang Pasion muhna mangmuhna i mat theih ding kism hi.

i) Meikuang Kiphumna (Baptism of Fire)

Eit in Khasiangtho ii meikuang tawh kiphumna kism hihang (Mtt. 3:11-12), Hih pen Pasion hihna taktak, a siantho na leh a vangliatna tawh maitang kituahna hi. Hih pen eite sungah Pasion lam kiheina leh i lungtang khempeuh tawh Pasion zonna hilo hi (Rom. 3:11). I sunglam ah hong hawl hong uk pen Khasiangtho ahi hi. Khasiangtho tawh mei ah hong hawl hong uk pen Khasiangtho ahi hi. Khasiangtho tawh mei tawh kiphumna i ngah teh i lungtang sungah a kuang mei nei hihang. Tua tawh i kattum sangsik in tua pen i mat ding ahi hi.

Hih pen Khasiangtho mei hi. Hih in eite hong vut in hong siangsak a, i nuntakna sunga, Pasionmi lohna leh nin bulomte hemkhia in Pasion hong deih bangin hong bawl hi. Hih mei tawh kiphumna pen Khasiangtho tawh i kiphum masak in a pian ding ahi hi. A hizong in, mitampite in Khasiangtho tawh i kidim teh hih i nuntaknate Khasiangtho tawh kiphum khin napi kikhelna om lo leh muibun lo in hong lai uh a, vangliatna leh gahphatna in a zui ding a kilawm pipi ahi hi. I nuntaknate Pasion thaksuahsakna ah i pia in, amah tawh kimu kik teh eite hong susiang ding in i nuntakna sungah a Khasiangtho hong sawl ding i phal ding leh, i lungtang sungah mei a tawh kuang ding kism hihang.

j) Meikuangte

Pentecost ni in Khasiangtho pen leiitawh kibang meikuang in kilang hi. Hih pen a siangtho Pasion ii a vangliat sepkhiatna khat hi a, tua in nungzuite kalsuan khiasak in a mangthang leitung ah kuankhiasak hi. Tua hun lian in na khempeuh Zeisu nuntakna leh a nasepna ah kilang khin ahihna amau leh amau in tel uh a, ahizong in tua pen kicing takin mancip ngei nai lo uh hi. Khasiangtho thumaan, vangliatna leh siangthona pen amau lungtang sungah a teng den dingin hong pai hi. Tua in a launa uh phukhia in Pasion ading meikuang tawh uh hi (Luk. 12:49). Pasion in eite khat ciat lungtang leh nuntakna ah tua mei i tawh kuang ding hong deih hi.

k) Hih lampi ah Pasion i muh theih nading kalnga

- Pasion tui duh na (Jer. 29:13).
- Na nuntakna ah ama hong deih bangbang in Pasion tungah kihong in bangmah siit nei kei in. Nang le nang kipumpiakkhia in.

- Mei bangin Pasion Khasiangtho nang tungtawn in luangsak in, na nuntakna sunga Pasion deih lohna khempeuh phu khiasak in.
- Ama Khasiangtho tawh dimthak na aih keh amasa pen dipna phal in.
- Pasion tungah thumaanna leh kihon na ah om suak in. Hih bang in Pasion tawh na kimuh khit a, Khasiang tho in hong dip khit zawh leh Zeisu neih nungzui masa pen bangin mawhpaukna na nei hi. Lei mong dongah Pasion teci na hi hi. Nungkik ngei nawn kei in la, Pasion hong deihna bangin mainawt suak in.

1) Thukhupna

A vot mun pan a Pasion zong lo hihang. Pasion lam kihei nading leh i lungsim khempeuh tawh amah zon ding pen eite sunglam pan hilo hi. Pasion nasep pen Khasiangtho tawh ei le ei i sungah kihawl na ahi hi. Tam veipi mah Pasion nasep ahihlam phawk kha lo hanga, bangbang hi taleh Pasion in i sungah na sem veve hi. I lungtang sungah khalam lungkim lohna Pasion in hong piangsak hi. Pasion i neih zawk ding leh i phawk theih ding kisam hi. I lungkimna leh i lungnopna pan in i thawh khiat nading Pasion in lampi tuamtuum zang ding hi. Pasion a kici gamtat tam cih ding pen hi thei lo hi. Aman nang hong thei a, nang hong makaih zia ding thei hi. Na mainawt ding aman deih-a, na lawhcinna dingin ahih theih bangbang hong sem ding hi. Ahizong in Pasion in zawhthawh thu zang lo ding a, a ma tatzia bangbang ah kipiak ding kisam hi.

Kha tawh kidim Christian tampite pen a hiciang khat ah Khasiangtho mei tawh kiphum ngei khin hi. Hi bang mite in Pasion mei tawh a kilawnkhak khit lam leh a lungtang sungvuah mei khat a nei lam uh thei uh hi. Ahizong in mi tampite ading tua mei pen vot ta hi. Pasion in tua mei am a lawn nading leh mei mahmah a tawh kuang theih nading i phal ding kisam hi. Tua khit ciang in tua mei eite in phat in meikuang a suah nading i mut ding kisam hi. Tua khit ciang in Pasion in i nuntakna sunga niin bulomte a kattum sak nading leh hong halsiang nading kipan kik thei ding a, tua ciang bek in eite in Zeisu sun zaw in muibun tak in ama nasem thei ding hihang.

Adang Christiante in lah anuntakna sung vuah Pasion mei thei kha lo uh hi. Tuat in meitawh Khasiangtho in a phum nading Pasion kiangah a nget dinguh kisam hi. Tuat in amau te Khasiangtho in a suksiang a, a siansuah sak ding uh kisam a, anuntakna sungvuah Pasion ading mei a pat thak ding uh kisam hi. I sungah Pasion meikuang luatluat i neih leh i paina peuh ah Pasion ading mei i tawhkuang thei ding hi. Zeisu leh nungzui masa tampite tua bang ahi hi. Eite hun ah zong tua bang i hih ding kisam hi. Eite sunga Pasion mei pen siatna a piangsak sawlpang mei leh singluang mei bang hilo hi. Pasion mei in banghiam khat a katsak khit teh vut peuh tham sak lo hi. Pasion in eite pen ama ading banghiam khat ahi dingin hong piangsak hi. Leitung a kipiansak ma in Pasion in hong thei khin hi. Eite bang ci bang hi ding cih hong thei khol zo a, i hunte khempeuh ading vaihawm sa in koih hi (Psa. 139:13-16). Eite tungah Pasion mei hong tun teh, kham halna muna a sa bang in eite hong vut in hong siangsak hi. I nuntakna sunga ninbulomtangte, Pasionmilohna leh i khantoh nading leh i picin nading hong khamnate a puatham suak in Pasion tungah tuate i piak ding kisam a, i nuntakna pan aman tuate hong hepkiat sak ding hi. Hih in hun sawtpi la a, ahizong in, a nung ciang eite siangtho in kawkbang lo in hong bawl a, sam-ek kai lo leh kekseu lo in hong bawl hi (Eph. 5:27). Pasion hong deih leh hong kisap bang kisuak ding hi.

Khasiangtho-meitawh i kiphum ciangin i kha sungah tua mei kipan hi. Tua khit ciang in Pasion kammal simna, Pasion thumanna leh amah thawhkihoh khopna tawh tua mei

i mut kuang ding kisam hi. Pasion in tua mei pen i lungsim munte (ngaihsutna, lawpna, ukna), satsak nading in zang a, tua pen siangtho sak ding a kisaplam i thei hi. Tua mun teng a siansak khith teh tua munte a siantho nading in Pasion meikuang om suak hi. Tua mei pen tha i piak ding kisam a, zongsatna lui hoih lote ah pai kikna, i nuntakna sunga Pasionmi lohnte tha piakna peuh tawh tua mei hepkiat leh sukmit ding hilo hi (Gal. 5:16-26; Col. 3:1-10; Phil. 4:8). I nuntakna Pasion tungah i piak teh ama hong deih bang i suah khith dong in Pasion in a banban in hong sawp siang hi. Pasion in ah i kim-le-pam omzia te, midangte, haksatna, sittelna leh haksat thuaknate tungtawn in hih nasep sem hi. Tua khith ciangin i nun takna in Khasiangtho nei in a meikuang suak ding hi.

Tua khith ciangin Pasion mei i suangah i neih a, midangte tawh i kituah leh tua Pasion mei in midangte nuntakna ah banghiam khat sukha ding hi. Hih pen Zeisu in a nasep hunsung a a nuntak zia ahi hi. Mite in ama tungah Pasion ciaptehna mu thei a, mite in amah a sukkhak uh ciang in Pasion sukkhakna a ngah khak khith lam uh thei uh hi.

Pasion Khasiangtho-mei in i sungah hong tham suak in, hong suksiang ding i phal ding kisam hi. Tua mei thapia in midangte tawh i kizop khakna ah amaute zong Pasion mei in sukha in a khelsak nading i mut kuang ding kisam hi (1Thess. 5:19).

m) Dotnate leh kikup khopnate

1. A siangtho Pasion na thei hiam? Kamkum in.
2. Bangci bang mihing na hih ding kilawm hiam? (2Pet. 3:11)
3. 2Tim. 1:8-10 tungtawn in Khazih sung a hong kisap na bang hiam?
4. 2Cor. 1:12 sung a Paul gen mah bang in Pasion kiang pan a siang tho na leh cih takna tawh leitung ah nang leh nang na gamtatna leh a diakdiak in na thu uppihte tawh na kizopna ah na lungsim phawk theihna lang khiasak hi na ci thei hiam? Aman hih thu bang ci sep hiam?
5. Banghang in Khasiangtho kiphum khin mi tampite Zeisu tawh kitukalh in leh, Pasion ading leitung a luplette cihna angah nungzui masate tawh kileh bulh in mavang lo, gahgah lo, kilkel in nungta uh hiam? Kamkum in.
6. Meitawh Khasiangtho kiphumna ii a nungzui nunung pen bang hiam?
7. Tim. hih bang in na nuntak na sungah na khat peuh a kuan nading na mut ding a kisam hiam? (2Tim. 1:6)
8. Na nuntakna sungah Pasion mei Khasiangtho nei in na kithei hiam?
9. Na nuntakna vai khempeuh ah Khasiangtho in a sawpsiang nading leh Pasion in a deih bang zia ahi ding in suakta tak in a sem thei hiam?
10. Isaiaah aa bang dan in Pasion tawh kituah na khat na kitem hiam? (Isa.6:1-8)

n) Tomlakna leh Zatpahna

1. I Pasion pen a siangtho Pasion hi.
2. Pasion minthanna bangmahin a hehpihna zong lian hi.
3. Pasion in ama tungah a kipia a siangtho nuntakna tawh i nuntak ding hong deih in, hih Pasion milo leitungah ama tangmi ding in hong deih hi.
4. Pasion in eite siantho nading amah leh amah kipia khin hi.
5. Zeisu nungzuite i hih mah bangin kihuai na khempeuh (nitna leh Pasionmi lohna). leh i kha pen siangtho in Topa zahtakna ah a kicing siantho na i cinsak ding hong deih hi (2Cor. 7:1 AV)
6. Pa Pasion in a Tapa Zeisu leitungah hong sawl in Zeisu in leitunga a nasep zo khin

ahihman in eite sianthosakna piang hi. Tua khith teh tua siangthona (hong siangthosak). pen i nuntakna sungah mei bangun hong paina tawh Khasiangtho in a sep nading in Pa kiangah Khasiangtho hong sawl nading in Zeisu in ngen thei hi.

7. I Pasion pen a kangtum thei mei hi (Heb. 12:29). Eite Zeisu tawh i kisut semsem theih nading in Pasion semsak in leh Khasiangtho mei tawh i kisiangtho sak leh hih leitung ah zong eite adingin tua bang dan Pasion hong hi ding hi.
8. Eite in Khasiangtho tawh meitawh i kiphum ding kisam a, tua khith teh Pasion hong sawl bang sepna leh ama khutsungah i nuntakna khempeuh piakna tawh tua mei i mutkuang ding kisam hi. Hih in hong muibun sak leh hong gah phasak ding a, Khazih hong paikik cianga a muhnop nitna leh genbanna a om lo mo hong suak sak ding hi (Rev. 19:7-9; Eph. 5:22-32; Col. 1:21-23).